

Na osnovu člana 64 stav 1 tačka b i člana 70 stav 1, 3 i 6 Zakona o javnim nabavkama (Službeni glasnik BiH", br. 39/14, 59/22) i člana 37 Statuta JKP "Vodovod i kanalizacija" d.o.o. Velika Kladuša (Službeni glasnik Općine Velika Kladuša br. 12/2005), u postupku javne nabavke radova – Zemljani radovi, direktor preduzeća donosi slijedeću:

ODLUKU **o izboru najpovoljnijeg ponuđača**

Član 1.

Prihvata se preporuka Komisije za javne nabavke br. 561-02/24 od 10.10.2024. godine i Ugovor za javnu nabavku radova –ZEMLJANI RADOVI, će se potpisati sa ponuđačem "15. april" doo Velika Kladuša, koji je ocijenjen kao najpovoljniji ponuđač.

Član 2.

Prijedlog Ugovora o nabavci dostavit će se na potpis izabranom ponuđaču "15. april" doo, po proteku roka od 15 dana, računajući od dana kada je ponuđač obavješten o izboru najpovoljnijeg ponuđača.

Član 3.

Za izvršenje ove Odluke zadužuje se Služba za opće i pravne poslove.

Član 4.

Ova Odluka će se objaviti na web-stranici www.vik-kladusa.ba, te će biti dostavljena ponuđačima koji su učestvovali u postupku javne nabavke, u skladu sa članom 70. stav 2 i 6. Zakona o javnim nabavkama.

Član 5.

Ova Odluka stupa na snagu danom donošenja.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke – otvoreni postupak, br. protokola br. 236-02/24 od 29.05.2024. godine. Javna nabavka je provedena putem otvorenog postupka, br. Obavještenja o nabavci 1117-1-3-16-3-14/24. Procijenjena vrijednost javne nabavke bez PDV-a je 400.000,00 KM.

Ponudu su dostavili slijedeći ponuđači:

1. 15. APRIL DOO VELIKA KLADUŠA
2. MC STELLA DOO VELIKA KLADUŠA
3. SITNI KAMEN DOO VELIKA KLADUŠA
4. SAFIC ELEKTRONICS VELIKA KLADUŠA

Komisija za javne nabavke imenovana je Odlukom o formiranju Komisije za nabavke za 2024. godinu br. 36-02/24 od 31.01.2024. godine. Zbog provođenja postupka javne nabavke čija procijenjena vrijednost predstavlja vrijednost razreda iz člana 14. st. 2 ZJN, direktor preduzeća je donio Odluku o imenovanju dodatna dva člana Komisije za javne nabavke za 2024. godinu br. 235-02/24 od 29.05.2024. godine.

Također, s obzirom da procijenjena vrijednost nabavke prelazi iznos od 250.000,00 KM, direktor preduzeća je osigurao rad službenika za javne nabavke koji je angažiran na osnovu Ugovora o djelu za angažman Službenika za javne nabavke br. 45-03/24 od 29.05.2024. godine.

Komisija za javne nabavke dostavila je Zapisnik o otvaranju ponuda, Zapisnik o ocjeni ponuda (I dio), Zapisnik o ocjeni ponuda (II dio) uz preporuku Komisije za javne nabavke br. 355-02/24 od 24.06.2024. godine. Preporuku je potpisao i Službenik za javne nabavke koji je svojim potpisom na istoj potvrdio da se slaže sa predloženom preporukom.

U postupku po izvještaju o radu Komisije za javnu nabavku je utvrđeno da je Komisija blagovremeno i pravilno izvršila otvaranje ponuda i ocjenu pristiglih ponuda, o čemu je sačinila odgovarajući zapisnik, u kojem je utvrđeno slijedeće:

- Da je ukupan broj pristiglih ponuda 4 (četiri)
- Da su zaprimljene ponude blagovremene
- Da je ponuda ponuđača Safic electronics doo nepravilna te je ista isključena iz daljnje procedure
- Da su preostale 3 (tri) ponude prihvatljive
- Da se e-aukcija ima održati dana 24.06.2024. godine u 9h

Nakon uspješno okončane e-aukcije, Komisija je sačinila rang listu kako slijedi:

Redni br.	Ponuđač	Cijena ponude	Pozicija na rang listi
1.	Sitni kamen doo	324.831,00 KM	1
2.	MC Stella doo	399.594,00 KM	2
3.	15. april doo	399.993,00 KM	3

Kako je kriterij za ocjenu ponuda najniža cijena- tehnički ispravne ponude, te kako je u toku postupka konstatovano da je pristigla ponuda ispravna, te da sadrži sve elemente i dokumentaciju, Komisija je dala preporuku da se Ugovor zaključi sa ponuđačem Sitni kamen doo Velika Kladuša.

Međutim, nakon uspješno okončane e-aukcije, na protokol ugovornog organa je pristigla žalba na Zapisnik o otvaranju ponuda, izjavljena od strane ponuđača "Safić Elektronics" d.o.o. Velika Kladuša. S obzirom da žalba proizvodi suspendivno dejstvo te odgađa nastavak postupka javne nabavke do konačne odluke URŽ, ugovorni organ je pristupio analizi žalbenih navoda.

Ugovorni organ je razmarajući žalbene navode ponuđača, ocjenio da je žalba neosnovana te je istu zajedno sa popratnom dokumentacijom i izjašnjenjem na navode žalbe prosljedio URŽ Mostar na daljnje postupanje.

Dana, 05.08.2024. godine, ugovorni organ je zaprimio Rješenje br. JN2-03-07-1-1924-7/24 od 26.07.2024. godine, donešeno od strane URŽ Mostar. Naprijed pomenutim rješenjem se žalba žalioca Safić Elektronics d.o.o. Velika Kladuša odbija u cjelosti zbog neosnovanosti. S tim u vezi, ugovorni organ nastavlja slijedeću fazu postupka javne nabavke te prihvata preporuku Komisije i donosi Odluku o odabiru najpovoljnijeg ponuđača br. 437-02/24 od 06.08.2024. godine.

Dana 19.08.2024. godine, ponuđač MC Stella doo Velika Kladuša, zastupano po advokatu Kadić Ibrahimu ulaže žalbu na Odluku o izboru najpovoljnijeg ponuđača br. 437-02/24 od 06.08.2024. godine.

Rješenjem URŽ br. JH2-03-07-1-2407-7/24 od 26.09.2024. godine, Ured je usvojio žalbu žalioaca, poništio Odluku o izboru najpovoljnijeg ponuđača br. 473-02/24 od 06.08.2024. godine, te predmet vratio ugovornom organu na ponovni postupak.

Dana 04.10.2024. godine, Komisija za javne nabavke je izvršila ponovnu evaluaciju ponuda te sa održanog sastanka sačinila Zapisnik o ocjeni ponuda. Preporukom Komisije za javne nabavke br. 561-02/24 od 10.10.2024. godine, Komisija je jednoglasno predložila direktoru preduzeća da Ugovor za javnu nabavku Zemljani radova dodijeli ponuđaču „15. april“ doo Velika Kladuša, koji je prvorangirani a ujedno i jedini ponuđač čija je ponuda ocjenjena kao prihvatljiva.

U postupku donošenja ove Odluke, posebno su cijenjene činjenice, da je Komisija pravilno i potpuno izvršila ocjenu ponude, u skladu sa kriterijima iz tenderske dokumentacije, te da nisu postojali kriteriji koji bi eventualno bili osnov za neprihvatanje preporuke Komisije za javnu nabavku. Dakle, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom. Iz navedenog razloga, primjenom člana 64. stav 1. tačka a) Zakona o javnim nabavkama odlučeno je kao u članu 1. ove Odluke.

POUKA O PRAVNOM LIJEKU:

Protiv ove odluke se može izjaviti žalba u roku od 10 dana od prijema Odluke u skladu sa Zakonom o javnim nabavkama u BiH (član 101 Zakona o javnim nabavkama BiH, Službeni glasnik BiH br. 39/14, 59/22)

PRILOG:

- Zapisnik o ocjeni ponuda od 04.10.2024. godine

Dostavljeno:

- Ponuđačima 3x
- Komisiji (u spis)
- web stranica
- a/a



Direktor:

Prof. dr. Čović Esad

ISO 9001 HACCP
BUREAU VERITAS
Certification



JKP "VIK" d.o.o.
Velika Kladuša
ID kompanije: 1-5342-00
Bilnodje BH d.o.o. / 27.5.2020



JAVNO KOMUNALNO PREDUZEĆE
VODOVOD I KANALIZACIJA "DOO
VELIKA KLADUŠA

Mat.br: 1-5342
Companywall d.o.o., 31.12.2019